

Schnitzelbanken Generalis 2018

D` Bruggmüli ä Beiz mit bsunderem Reiz
Für Nichtraucher aber der grösschti Scheiss
Verussä münd`s frürä, im Summer schwitzä
Oder vo Aafang a - **in Schwiistall sitzä**
Halli, Hallo.....

Im Kiosk Chaltbrunn wird immer mal i`brochä
Das chaa där Marcel aber gar nüd schockä
Mit em Versicherigs Gäld won er chan kassierä
Chan er dä Hirschä und s`Bistro- **in Schänis sarnierä**

Chaltbrunner Chillägmeind - hät Gäld zum versaue
Einigi Chilläbänk wired zu Brännholz zerhauä
Sächzig Stühl stellt mer innä - das macht doch kei Sinn
Will det vornä im Chorrüm - **nimmer sitzä will**

In ere Beiz in Chaltbrunn - chasch sehr guet ässä
Ab em Abig am Ahti - chasch das fascht vergässä
D`Wirtslüt tüend lieber am Stammtisch bliebä
Oder mit Rauchä vor der Beiz - **sich Zit vertriebä**

Fleisch im Wasser - und Asylantä im Hus
Für Gmeind es Gschäft entstoht do drus
d`Asylantä bruchet nur no Chleider und Schuh
Im Fleischatelier gits - **gra-tis Fleisch derzu**

Ob Goldschakal, Wolf oder andri Wildtier
Dä Chüni Toni verzweiflet schier
Vielleicht söt er eifach d`Autoschiebe putzä
Oder ä neu Brüllä - **wär au - vo Nutzä**

Post Bänkä- Schänis und Gommiswald
Tuet schlüssä das weiss scho jedä bald
Drum Chaltbrunner bringet viel Päckli und Brief
Suscht wirdet mir bald - **vo dä Uzner bedient.**

Tuesch im Winter vom Bahnhof zum Hof spazierä
Nü sältä tuets di dänn - ufs Füdli usä schmierä
D`Bewohner a der Hofstross die wüset sich z`Hälfe
Kieselstei im Sack - **oder Schlittschuh laufä**

Liebi Frauä und Mannä vom Altersheim
Es Liebesstündli im Alter - hät jedä gern
In Chaltbrunn chasch jetzt - Liebespuppe miete
Zum der Alltag im Heim- **ächlii z`versüssä**

Ihr händ jetzä ghört – dass viel isch passiert
Mir hoffet ihr händ – fascht alles kapiert
bi eu chömmer jetzt – mit de Kassä verbi
tüend bitte – **an grosse Batze dri**
Halli, Hallo.....

